



ავტომატური რეცხვის შესყიდვაზე
გამარტივებული ელექტრონული ტენდერის
სატენდერო დოკუმენტაცია

ქალაქ ბათუმის მუნიციპალიტეტის საკრებულო



ავტომატური რეცხვის შესყიდვაზე
გამარტივებული ელექტრონული ტენდერის
სატენდერო დოკუმენტაცია

ქ. ბათუმი

2017 წელი



2. ტექნიკური დოკუმენტაცია

2.1 შესყიდვის ობიექტის რაოდენობა და ტექნიკური პარამეტრები:

2.1.1 ავტომანქანების (სედანების) სრული რეცხვა/გასუფთავების ძარის, სალონისა, და საბარგულის, რომლის საერთო რაოდენობა შეადგენს 252 (ორას ორმოცდათორმეტი) ერთეულს ხელშეკრულების მოქმედების განმავლობაში.

2.1.2 მიმწოდებელმა შემსყიდველს ავტომანქანების სრული რეცხვა/გასუფთავების მომსახურებისათვის უნდა მიაწოდოს მიმწოდებლის მიერ დამზადებული, შემსყიდველის მიერ დამოწმებული და სამრეცხაოში წარმოდგენილი შესაბამისი მომსახურების დამადასტურებელი დოკუმენტი (ტალონი).

2.1.3 სატენდერო დოკუმენტაციის 2.1.1 და 2.1.2 პუნქტებში დასახელებული მომსახურებისათვის რეცხვის ტალონი უნდა შეიცავდეს მინიმუმ შემდეგ ინფორმაციას:

- ა. მიმწოდებლის დასახელება;
- ბ. ტალონის იდენტიფიცირების ნომერი;
- გ. ავტომანქანის სახეობა (ტიპი);
- დ. მომსახურების დასახელება.

2.1.4 სატრანსპორტო საშუალებების როგორც გარე, ასევე შიდა (სალონი, საბარგული, ძარა) ნაწილის რეცხვა ხელით, სპეციალური მოწყობილობების, ინვენტარისა და მაღალი ხარისხის სარეცხი და საწმენდი საშუალებების გამოყენებით.

2.1.5 მომსახურების გაწევის დროს მიმწოდებლის ბრალეულობით შემსყიდველის ავტომანქანაზე მიყენებული ზარალის აღმოფხვრის ანაზღაურება ეკისრება მიმწოდებელს.

2.1.6 მომსახურების განხორციელება ეტაპობრივად, ტალონების მეშვეობით, ტალონის წარდგენიდან არაუგვიანეს 1 სთ-ის განმავლობაში;

2.1.7 შესაბამისი რაოდენობის ტალონების მიწოდება შემსყიდველი ორგანიზაციისათვის მოთხოვნიდან არაუგვიანეს 2 (ორი) კალენდარული დღისა;

2.1.8 ავტომანქანების სრული რეცხვა/გასუფთავება ურიგოდ.

2.2 მონაცემები პრეტენდენტის ტექნიკური შესაძლებლობების შესახებ:

2.2.1 პრეტენდენტმა უნდა წარმოადგინოს ინფორმაცია მის საკუთრებაში (მფლობელობაში) ან საქართველოს სამოქალაქო კოდექსით ნებადართული (იჯარა, თხოვება და ა.შ) არსებული არანაკლებ 2 (ორი) სამრეცხაო (თითო სამრეცხაოში მინიმუმ 2 სამრეცხაო ბოქსით) ან 1 (ერთი) სამრეცხაო არანაკლებ 4 (ოთხი) სამრეცხაო ბოქსით (ასევე ქიმწმენდისათვისა და ავტომობილის ძრავის რეცხვისათვის საჭირო დანადგარი), ორი მომსახურე პერსონალით თითოეულ ბოქსში, რომელიც განთავსებული უნდა იქნეს ამ სატენდერო დოკუმენტაციის 2.2.2. პუნქტით განსაზღვრულ ტერიტორიაზე. მიმწოდებელს უნდა გააჩნდეს ავტომანქანის სრული რეცხვისათვის მაღალი ხარისხის სარეცხი და საწმენდი საშუალებები, საჭირო მოწყობილობები და დანადგარები.

2.2.2 ავტოსამრეცხაო განთავსებული უნდა იყოს ქ. ბათუმის შემდეგ ტერიტორიულ საზღვრებში: ი. ჯავახიშვილისა და შერიფ ხიმშიაშვილის ქუჩების კვეთიდან რუსთაველის ქუჩა, ი. გოგებაშვილის ქუჩამდე, გოგებაშვილის ქუჩა ბაქოს ქუჩამდე, ბაქოს ქუჩა შავშეთის ქუჩამდე, პუშკინის ქუჩა სულაბერიძის ქუჩამდე, სულაბერიძის ქუჩა ბაგრატიონის ქუჩამდე, ბაგრატიონის ქუჩა სელიმ ხიმშიაშვილის ქუჩამდე, სელიმ ხიმშიაშვილის ქუჩიდან სულხან საბა ორბელიანის ქუდამდე, სულხან საბა ორბელიანის ქუჩიდან ჯავახიშვილის ქუჩამდე, ჯავახიშვილის ქუჩა შერიფ ხიმშიაშვილის ქუჩამდე. ავტოსამრეცხაო/სამრეცხაოები განთავსებული უნდა იყოს ზემოაღნიშნული ქუჩების შიგნით მოქცეულ ტერიტორიაზე, მათ შორის შესაძლებელია ავტოსამრეცხაო განთავსებული იყოს დასახელებული ქუჩების ორივე მხარეს.

2.2.3 მიმწოდებლის საკუთრების შემთხვევაში წარმოდგენილი უნდა იქნას საკუთრების დამადასტურებელი დოკუმენტების ასლები, სხვა შემთხვევაში შესაბამისი დამადასტურებელი დოკუმენტების ასლები (საიჯარო, თხოვების ხელშეკრულების ასლ(ებ)ი, რომელიც ერთი თვით უნდა აღემატებოდეს მომსახურების გაწევის ვადას).



2.2.4 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ა.

3. ხელშეკრულების აუცილებელი პირობები:

3.1 მომსახურების მიწოდების ადგილი, ვადები და პირობები:

- 3.1.1 ავტომობილების რეცხვითი მომსახურების ტალონების მიწოდება უნდა განხორციელდეს ყოველთვიურად, შემსყიდველის მოთხოვნიდან 2 (ორი) სამუშაო დღის ვადაში ქ. ბათუმი, ლ. ასათიანის ქუჩა №25-ში.
- 3.1.2 ავტომობილების რეცხვითი მომსახურების მიწოდება უნდა განხორციელდეს ქ. ბათუმის ზემოაღნიშნულ ტერიტორიების საზღვრებში, შემსყიდველის მოთხოვნის შესაბამისად და წარდგენილი შესაბამისი ტალონის საფუძველზე.
- 3.1.3 ტენდერში გამარჯვებული ორგანიზაცია ვალდებულია მომსახურება განხორციელოს 2017 წლის 01 იანვრიდან 2017 წლის 31 დეკემბრის ჩათვლით.
- 3.1.4 ამასთანავე ხელშეკრულების მოქმედების ვადის გასვლის მიუხედავად ვადის გასვლამდე გაცემული ტალონები ინარჩუნებენ ძალას, არანაკლებ 2 თვის განმავლობაში.

3.2 ანგარიშსწორების პირობები:

- 3.2.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.
- 3.2.2 ანგარიშსწორება მოხდება უნაღდო ანგარიშსწორებით ლარში.
- 3.2.3 საავანსო ანგარიშსწორება არ გამოიყენება.
- 3.2.4 ანგარიშსწორება მიმწოდებელთან განხორციელდება ეტაპობრივად, მომსახურების მიღება-ჩაბარების აქტისა და სასაქონლო ზედნადების (დღგ-ს ანგარიშფაქტურის). წარმოდგენის საფუძველზე 10 (ათი) სამუშაო დღის განმავლობაში.
- 3.2.5 თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

3.3 პირგასამტეხლო ხელშეკრულების პირობების შეუსრულებლობისათვის

- 3.3.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე ხელშეკრულების შეუსრულებელი ვალდებულების 0.3 %-ის ოდენობით.
- 3.3.2 იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 5% (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ამ ხელშეკრულებით გათვალისწინებული პირგასამტეხლოს ანაზღაურება.
- 3.3.3 საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.
- 3.3.4 ხელშეკრულებით ნაკისრი ვალდებულების შესრულების ვადის გადაცილების, ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის შემსყიდველის მიერ ხელშეკრულების შეწყვეტის შემთხვევაში მიმწოდებელს ამ დოკუმენტაციის 3.3.1 პუნქტით გათვალისწინებულ პირგასამტეხლოსთან ერთად ეკისრება პირგასამტეხლო ხელშეკრულების საერთო ღირებულების 10% პროცენტის ოდენობით.



4. ხელშეკრულება სახელმწიფო შესყიდვის შესახებ:

4.1 ხელშეკრულების საბოლოო ვარიანტი დაზუსტდება ელექტრონულ ტენდერში გამარჯვებულ პრეტენდენტთან ხელშეკრულების გაფორმების პროცესში, გარდა სატენდერო დოკუმენტაციის მე-3 პუნქტით განსაზღვრული მოთხოვნებისა.

4.2 პრეტენდენტმა უნდა წარმოადგინოს:

რეკვიზიტები, სატენდერო წინადადების ფასი, დანართი №1-ის მიხედვით.

4.3 ფასების ცხრილი

4.3.1 პრეტენდენტმა უნდა წარმოადგინოს ფასების ცხრილი დანართი №2-ის მიხედვით.

4.3.2 პრეტენდენტის მიერ წარმოდგენილ ფასების ცხრილში ერთეულის ფასი მოცემული და განფასებული უნდა იყოს საქართველოს კანონმდებლობით გათვალისწინებული გადასახადების, მათ შორის დღგ-ის ჩათვლით.

4.3.3 თუ პრეტენდენტი არ არის დღგ-ს გადამხდელი, საქართველოს კანონმდებლობის შესაბამისად, მისი სატენდერო წინადადება წარმოდგენილი უნდა იყოს დღგ-ს გარეშე (პრეტენდენტმა შენიშვნის სახით უნდა მიუთითოს გარემოება, რის საფუძველზეც არ ითვლება დღგ-ის გადამხდელად);

4.3.4 თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მეასედებამდე. შესაბამისად, შეამციროს საერთო ფასიც.

4.3.5 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, არაუგვიანეს 5 (ხუთი) სამუშაო დღის ვა- დაში უნდა წარმოადგინოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით ან აუდიტის დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას (დასკვნასთან ერთად წარმოდგენილ უნდა იქნას დასკვნის გამცემი პირის საქმიანობის კანონმდებლობის ფორმით გაცემული უფლებამოსილების დამადასტურებელი დოკუმენტი).

4.4 პრეტენდენტმა უნდა უზრუნველყოს:

4.4.1 სატენდერო დოკუმენტაციით განსაზღვრული დოკუმენტების ატვირთვა სახელმწიფო შესყიდვების ერთიან ელექტრონულ სისტემაში, შემდეგი თანმიმდევრობით:

- სატენდერო დოკუმენტაციით 2.2.3 და 2.2.4 ქვეპუნქტებით მოთხოვნილი ინფორმაცია;
- პრეტენდენტი პირის რეკვიზიტები;
- ფასების ცხრილი;
- მონაცემები პრეტენდენტის ტექნიკური შესაძლებლობების შესახებ;
- ხელშეკრულების აუცილებელი პირობები; -

4.4.2 ყველა დოკუმენტი ხელმოწერილი და ბეჭედადამული უნდა იყოს უფლებამოსილი პირის მიერ.



5. დამატებითი ინფორმაცია:

5.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, მის: ქ. ბათუმი, ლ. ასათიანის ქუჩა №25, მე-2 სართული. საკონტაქტო პირი: რევაზ სეხნიაშვილი ტელ: +99577 30 20 10 ელ. ფოსტა: saorganizacio@batumicc.ge

დანართი №1

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

3. სატენდერო წინადადების მოქმედების ვადა:

პრეტენდენტის ხელმოწერა _____ ბ.ა.

თარიღი _____



დანართი №2

ფასების ცხრილი

პრეტენდენტის დასახელება

სატენდერო წინადადადების ფასი

საქონლის დასახელება	რაოდენობა	ერთეულის ფასი	საერთო ღირებულება	მიწოდების ვადა	მიწოდების ადგილი
1	2	3	4	7	8
სედანი ტიპის ავტომობილის რეცხვა	252				

პრეტენდენტის ხელმოწერა ბ.ა.

თარიღი